

澄邁縣志卷之八

海黎志

海 海港 海寇 增防 黎

平黎 議黎 附撫官

澄外海內黎海有門戶之憂黎為心腹之疾防捍偶
疎則群奸竊發甚有內外勾連互相援引者自漢迄
明其殷鑒亦屢矣顧權其遠近而預防之則海去縣
治北僅三里許而自東徂西浩淼不下七八十里飛
艫飄忽瞬息登陸是患之最近者無如海籌畫之最
急者亦無如海陸則東瓊山西臨高南界定安皆與
黎閩隔雖有南黎西黎四都士多冠裳民安耕鑿輸
糧奉役與編民無異惟西黎都道通五指生岐西黎
去縣一百八十里生岐去西黎都又數十里山川遙
阻故澄罹黎患為少輕也要以熟悉海黎情形而治
安有道則海無鯨波黎岐革面兩得之矣作海黎志

海

縣治通潮門外北去三里許為大海東渡半日抵瓊
山白沙港及文昌舖前自東北一日可至徐聞麻鞋
港三日至吳川六七日可通省會又西北三日至欽
州廉州東南通占城西渡半日抵臨高博浦港西南

二三日可至儋崖昌感等處

海港

東水港

縣西北十里下受海潮上合澄江內外橋祥塘三水出入成港南北二沙湧結攢合中流

之處僅容一舟潮落約深五尺潮至方可通行原
有地稅三十兩。按此港最爲要害以逼近縣城
湖起風生巨艦可直抵城下也。今水師協鎮歲撥
一千總或把總卒哨船領兵一百名戍此

石礮港

縣西二十里封平都外會海潮上接西峯沙地浦滾稍陽四水港口兩岸環抱障海藏風

賈人巨艦灣泊於此。按此港最爲可憂以沿海
二三十里地岸平衍風濤安便隨處隨時巨艦可
泊考舊志從前賊舟多泊此入寇

泉鑿港

縣西五十里在南楚都

顏張港

連泉鑿界

澄邁縣志

卷之八

海黎志港

麻顏港

縣西五十里那托都

材坊港

南楚都與石礮相峙上有烟墩以望海警

玉抱港

南楚都臨高界

海寇

明

成化元年海寇登縣縣治民居盡為焦土

二年寇入石礮港備倭百戶項欽戰敗御史龔以守邊不備律降海安所小旗

宏治十八年前所百戶閻清巡海追趕賊船至石礮港對戰傷鏢而亡

正德八年賊劫海洋副使詹璽遣指揮徐爵督千百戶杜儼等追至澄邁東水港遇風舟覆百戶王隆溺死十一年倭掠澄邁指揮徐爵督軍追至白浦

澄邁縣志

卷之八

海黎志海寇

三

洋大戰賊敗溺死無數

嘉靖三十年海賊張曾犯石礮港指揮王克振千戶俞宗禦之乃去

三十七年賊登澄邁調陳等港副使王會遣指揮王克振鎮撫陶孟煒百戶周縉等捕賊獲之

隆慶二年五月賊蘇大李茂等寇澄昌兵憲史朝宜親督兵剿之六月賊林客駕六十艘乘風至澄邁

欲泊白沙殺賊黨許瑞是晚大雨颶風夜作舟盡覆

五年二月賊大至先掠白沙舖前百餘人去復寇澄邁兵憲史朝宜遣指揮趙雲龍督兵援之

六年正月許萬載犯澄邁橫行十餘都殺死數百人莫櫻其鋒復入新安港攻臨高被傷乃退二月漳寇莊西引倭三百餘自廉州渡海抵澄邁港邊焚舟登岸劫殺乘夜由定安去

萬歷元年李茂以倭級來降海北道許李遠聽之自李茂歸降之後西寇潛遁瓊海寢兵幾三十載澄邁濱海之民始獲安全然李茂雖累有殺賊之功而奸徒蠅附勢焰日盛利在珠池操舟犯禁海洋行劫日夜不絕遂基剿海之禍

四年海北反兵與本縣土賊合蹤乘夜越城劫庫一空民間亦有殘害者時知縣田升赴觀典史鄭朝遇不報賊往北岸竊舟北渡後餘黨並庫銀大半自雷州獲之按臺以事聞巡撫總鎮以下凡有兵職者俱坐革

二十年強寇四處劫殺道路爲梗朱元朱鄉等則聚於東南姜美姜蔭等則聚於西北博洋村窩主許乾連招集反兵并瓊定土賊吳飛星林素蘭等聚於中日久勢衆遂有劫城之謀據屯於大勝嶺下去縣止十里許而官兵莫敢誰何時鄉勇哨官羅全率鄉兵拒敵以無援死於戰人咸義之知縣

莫恃英遣民壯李觀正林可大沈世隆吳全等四散設伏諸賊多爲所獲民得稍安

國朝

順治八年部院杜永華抵瓊橫開助餉一時騷擾梟
衿有罹逮者遂謀使石礮盟惡構引海寇蔡芳乘
兵下臨於十一月二十一日統率數百人假作官
兵長驅入門登城列幟環圍剽掠縛縣官毀案牘
括庫藏碎囹圄一時被繫洵僥脫矣而赭我衣冠
奪我財帛空我積聚罄我倉箱傾覆我錡釜毀壞
我室家日夜搜挖厠匿無遺二十四夜棄城潛逃

澄邁縣志

卷之八

海黎志海寇

五

次蚤兵入搬賊剩餘妄捉挑擔不分貴賤比賊更
慘暴賊括室中所有削皮剗肉殘兵刺身上所存
碎骨敲髓人民逃散城郭寂寥

康熙四年六月二十七日午後海寇駕一十三艘乘
西風潮長使船如箭飛泊蛋場登岸前後包圍劫
掠殆盡殺二人擄四人縣報次早兵到賊已日昃
潮退滿載而去

十八年海寇頭目楊二駕船四十餘隻衝入石礮
由顏張港登岸聚眾劫掠海濱一帶旣而黎酋相
通土究勾引自森山市竟透打鐵市財帛搜括無

遺子女擄掠殆盡飽其所欲而去又以舟重難行
倡言被擄子女許父母親戚持金往贖否則投之
海矣當事慮百姓通賊嚴禁止百無一還次年五
月方北歸

十九年冬楊二因前番得志邀集謝昌復來直抵
舖前擄掠文瓊地方至二十年二月破海口所三
月三日飛船百餘號自東水港抵蛋場城守孫雲
鳳邑令呂登瀛見賊勢猖獗慮孤城難保遂棄之
他走賊乃入城任所欲爲兼通黎酋楊鬍鬚內外
交寇全城之地盡爲蹂躪卽有一二逃避皆冒寒

忍饑山居野宿父子不相見兄弟妻子離散城市
鄉村惟見破屋壞垣人號鬼哭莫有櫻其鋒者南
黎庠生王道美王兆熹集本鄉子弟丁壯誓死拒
敵大小十餘戰斬賊數十級無如賊衆援寡終遭
殺死被擄較他方更慘十五日大兵渡瓊進剿賊
退散大半復遁入黎援剿兵丁往返上下盤踞數
月邑成荒城所近衝要大路無不遭其荼毒等語

坵墟

雍正五年 勅賜道美兆熹爲義勇享祀忠
孝祠時縣主鹿公奉 詔賜匾曰名傳青史

嘉慶十四年八月初七日午時海寇烏石二等飛船
數十隻自大海突入石礮港登岸劫馬家幸有營

官徐陞帶兵拒敵寇漸退是夜馮家欵留徐陞防
守次早寇又至徐陞與本營趙仕隆招鄉民協助
力敵寇乃遠遁

十五年三月初一日海寇烏石二海田九等復入
石礮港登岸掠劫馮家而退初三日復至鄉民敵
之殺二賊四月初三日入東水港登岸搶掠東水
那黎好馬石角潭才各村時知縣益運長招募鄉
勇五十名日給口糧并請陸兵數百名水師一百
名躬親督兵禦敵幸而無虞四月十六日瓊郡總
鎮馬正國帶兵屯住石礮嶺上委員剿寇船覆而

逃始獲安靜

嘉慶數年來洋面不靖海匪剽掠至十五年五月初

一海北烏石

大小

等賊集一百餘艘飛入石礮玉抱

麻顏諸港口下抵臨高海濱登岸焚毀擄人劫物
無數橫行幾十里許人民逃散莫敢與之爭鋒其
禍更慘各官驚愕羽檄詳聞 制臺百齡迅速領

兵蒞雷州再出招安計仍耐張保子招誘賊黨來
受上賞免爲擾害寇便允從越數日盡拖賊船歸
集海安所官兵守圍拘去討罪先殲渠魁餘不盡
誅海南人被賊擄者俱放回家兆姓始寧百之功

不在路馬下矣

增防

澄東自博浦西至玉抱七八十里盡北傳大海無崇山爲之障蔽巨石爲之關限東水一港西北去城十里而近潮來風便艤鱗冒突直抵城跟今水軍歲遣一弁率舟師扼守港口固其宜矣然東水有巨石潛伏水中潮長能入舟潮退卽膠舟故賊入者鮮惟石礮港沿海二三十里地勢平衍東西兩岸如玦繞出翼抱中爲湖套無崖石之阻無風濤之險浪靜水深不待潮候隨時隨處可泊巨艦可登陸岸明成化二

澄邁縣志

卷之八

海防志增防

八

年嘉靖三十年 國朝康熙十八年賊船皆泊此入寇今東水營僅撥兵十名分守石礮二三十里之地卒有警急可爲寒心竊謂宜中分東水屯戍之兵爲二其一軍校自領屯守東水港其一又中分爲二就石礮嶺爲一營更擇沿海一帶山岸稍高有形便可據處另立一營則兩營戍守可互相覘望互相聲援而令尉復於平時養募鄉兵練成一旅堪備實用並行令各都各鄉皆習團練一旦警報鄉兵卽協助營兵各都鄉夫盡執兵而出壯聲氣作應援設疑伏賊烏能恣其猖獗哉觀舊志萬歷崇正往事皆有實效

非空談紙上者屢經陳請未獲報可然儆戒無虞之
意不憚鯁鯁焉 知縣高魁標記

澄邁縣志

卷之八

海黎志增

九

黎 闔郡腹地爲黎盤踞有生熟二種叛服靡常故撫剿
並行區畫宜審自漢唐迄今覺端覆轍治之不可不
得其道因臚列於篇以著殷鑒
蓋就黎言黎非獨爲澄之黎也

漢武帝元封元年畧地建儋耳珠崖郡其地有黎娑
山諸黎環居其下內爲生黎外爲熟黎山極高常
在霧靄中人不能至不供賦役者名生黎其知與
民貿易供賦役者名熟黎各以所適分隸州縣熟
黎居近平地生黎居深山而深山之中又有生岐
一種尤勇鷙大抵生黎質直犷悍不受欺觸不服
王化亦不出爲患足跡不履民地惟與其類自相
讐殺間有禍及州縣居民者以熟黎爲之援也用

土釜瓠瓢飲椒酒以擊鼓爲樂以射獵爲生以刻
箭結繩爲信誓以割鷄爲占卜崗各有主不識姓
名衣用布縫如單被或織吉貝爲之無袖穴其中
央以頭貫之前後下垂下體爲裙闊不過尺長不
掩膝前後兩幅椎髻跣足插銀銅釵腰繚花布執
長靶刀以木爲弓以竹爲弦鐵鏃無羽出入不釋
手其走如飛俗重複讐有殺其祖父及鄉人者累
世必圖報復婦人繡面高髻釵上加銅環耳墜垂
肩衣皆五色吉貝無袴襦但繫裙色如衣四圍密
縫從頭穿下至腰結住曰黎桶女子將嫁夫家頒

湮面式女家置酒會親屬女伴自施針筆湮爲極細蟲蛾花卉謂之繡面女婢則否女工紡織用絲帛折取色絲和吉貝織花謂黎錦黎單及鞞搭之類精粗有差結茅架木爲屋形如覆盆上爲欄以居人下以畜牧婚姻折箭爲定聚會亦椎鼓舞歌親死不哭不粥飯惟食生牛肉以爲哀痛之至創圓木爲棺葬則舁輓而行令一人前導以鷄子擲地鷄子不破處爲吉穴外人欲入其地必倩熟黎爲導客來未相識主人先於隙間窺之客儼然矜莊始遣奴布席於地客卽坐移時主人乃出對坐

不交一談少焉置酒先以臭穢味嘗客客食不疑則喜繼設酒遂相親否則遣客不復與交會飲未嘗捨刀三杯後各請弛備猶置身傍一語不相能則起而相戕土產沈水諸香及翠羽黃蠟之屬外商以鹽及紅布五色絨爲博易性不欺亦不受人欺商人有信則相與如至親借貸不吝或負約自一錢以上雖數十年後見其鄉人必擒以爲質枷以橫木必負者來償乃釋凡負錢一緡歲必加至十倍乃止其同類負債亦必痛詈責償或率斂爲償客或誤殺其一雞必鳴鼓告衆責償曰某客殺

我一雞當償一鬪一鬪者雌雄各一也一雄爲錢三十一雌五十又一鬪每生子五爲雄五爲雌一歲四產當爲六鬪當生六十雞以此客其家無敢損動其一毫者大抵有此地卽有此人州縣各占鳴之一陞其中黎地不可得亦無路通崖州在隴南陞旣不可取徑則復梓海循鳴而南丁謂所稱再涉鯨波者也 以上生黎

熟黎舊傳爲南恩藤梧高化諸縣人多王符二姓言語皆近其鄉音其先從征至此利其山水迫掠土黎深入荒僻占食其地長子育孫墾田開山負固

恃險各置村崗以先入者爲崗首同入共力者爲頭目凡豪酋皆其種落外連居民慕化服役因名熟黎今其家猶藏昔時文誥崗各有主管領歲久人衆父死子繼夫亡婦主崗之大小不同大者千餘家小者百餘家地多水田與居民相依給食性習兇橫動輒讐殺不問親疎平居一語不合則持刀相向其妻當中一過卽解挾弓矢如生黎以標刀爲戈以角爲甲其能漢語者變服入墟市日晚鳴角結隊以歸制服得宜則不爲變否則聚衆爲患其俗男子著短衣花幔纏頭圍腰戴藤六角帽

或兩耳垂環懸雙帶如刀樣垂裙兩幅婦人戴花
簪笠文領露胸老幼坐無尊卑病則槌牛祀鬼喪
葬則斬牛待客春則鞦韆會鄰崗男女粧飭來游
携手並肩互歌相答名曰作劇有乘時爲婚合者
父母從之無禁婚姻不避同姓

外紀云熟黎各有鄉里分徭役與平民無所分別
今按在東路者皆福建漳泉等處鄉音在西路者
皆廣西藤梧等府鄉音及本土良民居住附近黎
山諳曉黎俗者通名爲熟黎有納糧當差之處有
納糧不當差之處生黎有慶事則擊鉦鼓群醉爲

樂俗無文字凡有契約則刻箭爲信災祥用鷄骨

占不識年歲十一二月卽飲年酒以上熟黎

按生黎性雖獷悍不服王化亦不出爲民害爲民害
者惟熟黎初皆閩商蕩費亡命及本省土人貪其水
土占其居食種類繁衍間有名爲貿易圖其香物之
利實爲謀主誘以叛亂又多逃亡奸棍以附之以至
憑陵猖獗此古今黎禍之媒孽也要之生黎豈無可
化之機乎觀有明勅諭之及黎首歡欣誓死向化其
心可知當時招主見勅諭全不及已遂誣黎首而收
藏之以貪已功後其書猶在革官之子孫故黎首無

所據以保崗村反側之心皆生於不自安而成於有所激也豈終無可化之機乎卽有宋慶元初通判黎漢創建社學黎僚遣子就學者十餘人明洪武間黎殺人報讐時以反聞知府王伯貞保其無他變果捕讐殺者遂大定則其性之無大惡也可徵其在今日特懼熟黎之煽生黎以爲禍胎耳倘原禍變之從來戮渠魁之誘引而又杜豪右清影射使買黎業者不得以一成十民田無得附黎以避差則彼此安生孽不作又從而建社學於近黎之地以開其向善之路幼而習長而變胥黎以爲民可也

平黎叛服不在澄
邁境者不載

吳赤烏五年遣將軍聶友及徐校尉陸凱為僧耳太守以兵三萬討珠崖斬獲有功時澄邁仍為苟中屬珠崖

隋開皇六年珠崖王萬昌率五縣舉兵作亂遣隴西太守韓洪討平之

唐乾封元年曾口以顏羅等縣陷於山寇貞元五年復時曾口尚未入澄邁

宋紹定四年瓊山逆賊王居起大寇郡邑僭號稱王殘畧臨高澄邁事聞遣將討之明年夏居起傳首

澄邁縣志

卷之八

海黎志平黎

十五

餘黨悉平

元大德中王應嘉寇澄邁王文河寇臨高聲勢相倚釀成至順之禍安撫奧里天祥討平之

至順元年黎獠既陷三軍王官福等復寇乾寧西界都元帥闕闕軍水尾失利主簿譚汝楫與別軍并眾擊敗之後汝楫敗闕闕不援遂陷澄邁時王六具亦寇臨高逼南寧界黎賊王馬同反陷會同樂會文昌王官福據定安東西王周糾亦率了九崗作亂乃命湖廣行省右丞劉暉刺領江西湖廣二省兵復調廣東福建兵共討之以耳刺武功未就

而卒始命參知政事完澤督諸道兵及廣西獐兵
討之汝楫請先死戰以絕其根株澤因其下受賊
金以間竟納降而歸

明

洪武二年澄邁王四官王觀平與瓊山符進福王觀
磨文昌王伯琪不時竊發廣東都司及海衛官旗
收捕平之

二十七年澄邁多簡等村並儋州新洋等崗復亂
指揮牛銘曹源討平之

三十年澄邁白頭嶺等村賊首王瓶等作梗指揮
澄邁縣志

卷之八

海黎志平黎

十六

柴英擒獲平之

宏治十四年以成化初土舍王賦欲併七方黎致符
南蛇之亂官軍平後其姪符那月率族人定欽等
與諸黎皆出告供役吞併者惡其異已且懼所部
效之遂以官役頻繁事峻南蛇讐殺那月不獲因
劫殺作耗刻箭傳遍諸州縣黎崗聞風響應有同
時反者有觀望成敗以爲向背者儋昌臨人民死
者十之八九赤地數百里澄邁定安其害半之是
秋九月廉州衛都指揮僉湛鉞領兵討賊到瓊不
信宿戒行就道至澄邁西峯驛適走報賊首南蛇

圍陷臨高躬率精兵衝斷賊陣斬首七百級鄉民
荷鋤奮挺擊殺無算軍聲大振賊以二千精兵攻
賊萬衆救臨高一縣垂陷之城全萬家垂死之命
威聲四達三州十縣莫不引領望治無何賊以晝
夜兼程冒雨苦戰致疾而死前賊聞知紛紛而起
十二月紹以兩廣征徭將軍伏羌伯毛爲大將帥
師討賊以總鎮兩廣王太監監軍一副將而五偏
裨統衆十萬直搗巢穴而澄邁各縣外賊則付之
知府石壁同知鄧槩責其成功時南蛇獨擁精銳
出敵指揮周遠奮戰督家人周賀周舉斬賊先鋒
一人氣奪小却南蛇中箭赴水死別將得其頭來
獻是日中軍進據七方餘黨以次削平州縣大安
萬歷二年黎賊王佛陳王希聖王希賢王枝等集各
崙松林嶺打畧遶等村黎徒猖獗爲害劫掠至新
安地方殘破百餘村鄉民命如綫知縣顧孟卿選
那留都民許貴卿招兵五十名衝入賊巢交戰殺
賊首王佛陳等三十六首級解報賊始退九月初
八日黎賊邀集千餘徒攻畧遶營許貴卿帶兵及
鄉勇奮敵斬二十四首級生擒無數解報破其巢
穴盡火其居遺下荒田五十七頃入官陳兵憲獎

賞有功授以把總賊守禦要地彼時遠近黎崗間風息喙不敢入犯澄界者二十餘年而附近鄉村得出耕入息日夜無警者許之功也後爲黎人計毒之

二十二年臨高黎人符黑三構黨燒南定一帶劫掠澄邁擄去男婦以牛布贖鄉村騷動

二十五年瓊山黎賊黎福黎廣反殺掠過南黎官口地面知縣楊譽差兵設伏民壯李冠正岑世隆等死之

二十七年定安黎賊黎馬尿反橫行江南北殺掠

澄邁縣志

卷之八

海黎志平黎

十八

無數至森山打鐵等市坡立等村燒燬擄掠猖獗爲甚至二十八年海南道胡副使遣兵擒之四十一年儋崖黎反殺傷土舍官兵本縣哨官蔡國兵李俊等以調征死之

崇正十七年黎酋肆出亂自臨高禍延澄邁流毒累年罹害最慘城外西南鄉村廬舍遭其蹂躪衣裳布帛供其捆載器用米穀任其擔負猪雞牛羊被其宰割復擄子女勒令財贖又有奸徒引誘不時出劫老稚離散庄舍斷烟生民之苦至此而極

國初立盟據安方獲稍安

順治十年復屠掠水北地方百姓群集督撫泣控總
鎮高進庫發兵大行征剿深入巢穴殲馘凱旋黎
氛殄滅兆庶始寧

澄邁縣志

卷之八

海黎志平黎

十九

議黎 附撫官

明

韓俊奏稿畧曰爲今之計莫若革去土舍崗首立以州縣屯所量撥在外軍民雜處於中爲防引開闢五指山十字道路均通四處往來遍立地方更甲嚴爲法制禁約除軍與餘丁外餘人有持弓矢者就令更甲擒拿赴官問邊遠充軍自然數年之後老者棄弓不持少者忘弓不習武藝自廢禮樂方興雖有官吏生事剋剝亦得與州縣小民隱忍甘受誰敢倡爲亂階今土舍崗首皆伏貨利肥家逢

澄邁縣志

卷之八

海黎志議黎

二十

迎府縣聞欲立州縣屯所彼愀然不樂或又妄生異議然以事理觀之必如是而後可

楊理上盧兵備書畧曰蠢爾有二種其五指山岐疆界由瓊抵崖不過三百餘里自儋達萬不出二日餘程中間可立衙門候彼三八月飢荒之時或五十月禾熟之際分兵四面開示信義若彼聽從乘此開路間有一二村尙不服撫者據其收成妨其耕種彼獠之性最怕火器乘虛遣人抵崗放火四面礮響如雷彼必喪胆但在慎機勿泄耳蓋彼皆藉土舍爲之探聽事情消息有事官司未舉黎崗

先知而土舍尙首探報尤切更當嚴制舍此外惟錢糧軍馬二事在加之意而已

上歐陽太守書自洪武庚戌永嘉侯朱亮祖壬子指揮張庸乙卯百戶李貴相繼興舉或方定計而他事制肘或已加工而失處壞事至戊午指揮蔡玉建暫停之議而終不能舉者蓋因不深知地利又被奸譏蒙蔽有云山勢險阻有云風瘴可畏有云黎人梗化有云地高難耕有云動衆勞民爲此言者不過避勞取逸耳旣云山勢險阻則元帥曾抵其處什物輜裝通行無礙聞之始通之人入自思

澄邁縣志

卷之八

海黎志議黎

二十一

河僅六日前半路頗崎嶇岐黎欸奉情極卑謹其傍呼爲百姓尙者乃天順間邵賊餘黨生息甚繁話皆東語比岐尤勤耕作由此觀之則無險阻可知矣以爲風瘴可畏則久逃軍民勾引客商在內者娶妻生子舉皆無恙以爲獠性梗化則何宋元生黎累見欸降而陽春生尙今何輸服以爲其地不毛則所耕何皆膏腴以爲動衆勞民是雖不免然勞於一時而實利於永久是謂不一勞者不永逸是也

太守謝廷瑞奏稿本府地方黎情甚重以海外絕島

州縣衛所等衙門皆沿邊海百里之外爲熟黎熟黎以裹爲生黎心腹之病初以熟黎爲藩籬有土舍尙首以管束之事久玩愒反以黎岐爲利臣嘗詢有識士夫及老成涉歷之人皆謂其利南北約七百餘里東西四百餘里又無城郭之固介冑之堅其實不必集調官軍可以刻期而至也正德四年內前任兵備副使王倬平千家村若反掌只用千餘人但當時獨攻一面故近黎得以聲援相倚又機泄聞風先遁遂不獲收其全功爲今之計必須乘其未發預行積穀練兵揀選本地精壯官軍並鄉夫四千餘人助以一二千土舍黎兵分道並建使彼不暇相顧一面設計招撫彼善弱者先附則強梁者自孤勢孤則巢穴可擣魁渠可執也

吳會期奏議黎居良民五之一宜以兵威削平之際開通十字大路於其間大約以道理計之自府至崖千里而遙自儋至萬六百里而遙此四至之境也細度之自府至沙灣三百里自崖至羅活三百里俱爲坦途矣其中未開通處不過二百里耳官軍屬武官領之民兵屬有司領之士兵屬鄉保長領之通力合作相其谿壑易其險阻假以數月而

瓊崖之路可由黎峒中行矣儋萬之功則又殺焉
四路交達度中建城量地置堡就堡立屯以攻則
取以守則固矣

海瑞平黎奏畧臣竊見瓊州黎岐警之人焉黎岐心
腹州縣四肢黎岐爲寇是心腹之疾也心腹之疾
不除將必浸淫四潰而爲四肢之患爲今之計莫
若勅群臣中知識事機力可大任不貪富貴志在
立功者以之充兵備副使以專治黎之任瓊去京
師萬里當事請裁或致遲誤設縣立所限其大槩
乘機審勢聽其便宜凡一切招民置軍設里建學

澄邁縣志

卷之八

海黎志議黎

二十三

遷創縣所屯田巡司驛遞諸事不許撫按臣等從
中節制年年借用許其調廣西土兵廣東官軍打
手約四千人值變故許其調用約萬人量撥一次
大征銀糧之半以充其費三年後考其成功七年
稽其變化之効必得專任之柄寬其行事而又功
少不完不遷其官事少不効必重其罪欲不盡心
力而爲之不可得也

附撫官

明永樂二年初崖州羅活尚作難監生潘隆計奏領
招撫無功伏誅蒙委通判劉銘辦事官歐可成等
齋禮部榜文招諭尋領招黎士人王賢祐等相率
入朝澄邁則以王朝冠等為招主量其招撫多寡
受賞除官有差上授知府下受巡檢爵雖有不同
其職專以撫黎為事不得與民事焉

王朝冠 永泰人永樂六年以招主授縣丞

徐添貴 永泰人永樂六年以招主授縣丞

王琳 永泰人永樂六年以招主授巡檢

澄邁縣志

卷之八

海黎志撫官

三十四

王公毅 朝冠子奏襲父職

王朝祚 朝冠弟永樂十年襲兄職

徐有銘 添貴子永樂十年襲父職

王志聰 永樂十九年以士官擾民朝議革罷

按撫黎官初設以撫為名及其後放恣動與州縣爭
雄又近黎奸民欲避差役謀借近黎都督作眼招主
陽奪有司人民陰收生黎厚利使非周宗禮王增祐
之疊疏革除不許襲職其禍猶未艾也後土官雖已
革籍而子孫猶假土舍因其厚貲交通權要密間黎
情阻其歸順遇有新附則威脅以張已勢一有征剿

則漏泄以鼓黎兜此輩將焉用之宜其革絕之早也

澄邁縣志

卷之八

海黎志撫官

三五

